

律詩

(一) 來美傳道感懷 (七律二首)

(一)

茫茫業海久沉浮，利鎖名疆枉自囚，
泥足已深埋瀆壑，塵櫻卻變濯清流。
發言安得劍如舌，說法難教石點頭！
毀譽怨勞何足論，任人呼馬或呼牛。

(二)

傳道生涯已廿秋，從來不作稻粱謀，
漫云美國為金國，莫把杭州當汴州。
猶幸黃膚終不改，雖然綠咭可居留，
天涯我亦飄零慣，隨遇而安幾自由。

(二) 登自由神像 (七律二首)

(一)

幾回瞻仰自由神，巨像巍峨立水濱；
伊甸園中人去遠，大西洋畔客來頻。
滔天赤浪橫流急，傲雪紅梅勁節伸。
隔岸煙籠聯國廈，遙聞狂犬吠狺狺！

(二)

標榜自由命號神，緣何孤立在江濱？
依然點綴成佳景，未算蕭條度寂辰！
還有蝦魚堪友伴，且憑鐘鼓警昏晨。
何時得見汪洋水，滌盪人間污濁塵？

(三) 登山看紅楓落葉 (七律二首)

予居美東新港埠，山間多楓樹，葉紅似火，秋深葉落，中西人士爭往觀看，予隨眾登山共賞，因有感焉。茲成二律：

(一)

老年難復少年時，好景當前繫我思！
那有閒心吟落葉，更無冷眼看殘棋，(註一)
紅荷色褪悲秋老，蒼狗形消感世移！
最是傷懷回首望，海天無界別華夷！(註二)

(二)

歷落殊方老未休，離人去國此同遊，
浮生已負眼前景，不死寧忘心上秋！
此日分宜甘寂寞，對人那敢說風流？
青青不賞賞紅落，惹得年年翻舊愁！

(註一) 作此詩時，正是聯合國會議把中華民國摒出，我意識到所謂聯合國會議，也等於殘棋一局而已。

(註二) 賞紅楓落葉，原是歐美人士之玩意，但今日留美華裔，也以此為時尚了。

(四) 五位詩友敬和「登山看紅楓落葉」

1. 紐約台山陳慶雲 -- 司徒輝牧師登山看紅楓落葉感懷二律依韻奉和

(一)

難遣離情欲語時。勞勞行客繫人思。
已栽桃李三千樹。未許林泉一局棋。
楚士有才甘淡泊。秦民無計可遷移。
悠悠天地多遺憾。但望兒孫不是夷。

(二)

白頭無計得歸休。鄉國情深想舊遊。
客裏相逢應恨晚。人間送別不宜秋。
慣看落葉憑風舞。何忍名花逐水流。
草色已隨天際綠。莫因涼雨起新愁。

2. 加拿大薛毅夫 -- 敬和司徒輝宗長登山看紅楓落葉感懷原韻二律

(一)

飄飄滿地盡紅葉 遽過堦前有所思
但喜春生如草木 卻憐世事若枰棋
故園松菊今何似 萬里雲山入夢移
遙望鄉關何處是 身心咫尺隔華夷

(二)

遜跡江湖萬慮休 楓林好景共遨遊
葉紅似火翻疑夏 樹色如虹又是秋
此地風光宜可愛 離人萍水合清流
登臨携酒一同飲 消盡平生無限愁

3. 加拿大柯京司徒樹濃 -- 輝宗長秋深隨眾登山賞紅楓落葉感懷兩律見示步韻奉和

(一)

繁華盛地暢遊時 曷作離懷慨晚思
縱有風情徐過眼 曾無心水看圍棋
花容雪意隨時改 柳影楓陰因晷移
把酒相歡同作樂 安居雅集有華夷

(二)

暑往寒來序不休 時窮寧減四方遊
難聞在竹鳴儀鳳 放眺疎林落葉秋
雲起巫山常弄雨 風迎滄海欲橫流
深居忽忽時光逝 可用弦歌解旅愁

4. 中美洲薛子襄 -- 敬和司徒輝宗兄深秋隨眾登山賞紅楓落葉有感二律步原韻

(一)

已涼天氣未寒時 落葉聲聲動客思
耿耿心情千里月 茫茫世事一枰棋
曾知興廢由人定 那肯浮沉與俗移
北雁南旋秋色晚 垂垂雲樹隔華夷

(二)

老去天涯志未休 清風兩袖尚南遊
懷人怕看窗前月 感我常為客裏秋
萬里奔投人似鳥 卅年漂泊歲如流
慰情最是中州盛 藐視支那更莫愁

5. 紐約宅可司徒獻 -- 和輝又侄登山賞紅楓落葉韻

(一)

萬事雲烟過眼時 教人回首獨凝思
破愁漫醉三花酒 消暇聊敲一局棋
偶再題詩嫌句澀 曾因鋤艾把蘭移
而今老去無奢望 願入深山訪武夷

(二)

一事無成強退休 依然鞍馬遠方遊
人寰擾攘多艱日 客路因循又值秋
霜雪盡催黃髮落 年光都付碧波流
茫茫身世投荒老 瑟瑟西風草木愁

(五) 奉調返香港任職 (七律)

輝牧師又奉中國佈道會美國總會之命調返香港任職賦此壯行一律 -- 紐約司徒獻

才得相逢又別離。重來預約兩年期。
方知聚散由天定。緬想顏容落月姿。
拯救生靈難卸責，宣傳聖諭樂支持。
依依未盡叮嚀意。惆悵灞橋折柳枝。

敬步宅可公贈別詩原韻奉和 -- 大光樓主司徒輝

大抵平生苦別離。怕人向我問歸期。
守株豈是匡時策。捧檄寧容背道馳。
性本能貧甘淡薄。心原安分不爭持。
走胡走越憑神意。折得棕櫚換柳枝。

司徒輝牧師宗長膺基督教中國佈道會美國總會之命美加巡迴佈道，近有往港之行，賦此送別。 -- 加拿大多倫多薛毅夫

為公僕僕趕長征。抒發才能任縱橫。
佈道以仁求博愛。箴言警世得歡聲。
人民生活能平等。家國富強有令名。
萬里河山憑一呼。歸來攜手共遊京。

牧師司徒輝宗兄奉基督教總會命赴美國傳道迄今兩年忽又奉命回港任職宅可兄為詩贈別予
豈可無詩以贈吾兄之行乎 -- 中美洲薛子襄

南浦依依恨別離。紛紜世局欲何之。
化民播道心殊樂。東走西奔力不疲。
卅載我猶留異域。兩年君又返南淮。
人生聚散無常定。車笠重逢總有期。

輝牧師宗兄回香港任職賦此奉贈 -- 加拿大柯京司徒樹濃

江城佳氣邇斯時。物候迎新可有期。
我識牧師來自早。君宣聖道久名馳。
機聲驚動遊人意。風力播揚護主持。
折柳何須傷別感。他年重聚合歡枝。

司徒輝牧師奉調返港任職乃以三首七絕贈之 -- 美東岡州薛健松

(一)

兩度相逢自去春。相思相望得相親。
何圖聚首無多日。汽笛一聲恨煞人。

(二)

重逢為訂兩年期。南浦送君恨別離。
地北天南從此日。談心促膝更何時。

(三)

敬意不成為贈君。遠行有贖已前聞。
平安抵遠爐峰日。風便飛來一朵雲。

送輝宗兄牧師被差派回港任職三首 (七絕) -- 羅省司徒鉞

(一)

不自驕矜不自卑。中西講道可誰追。
想君廿載為人牧。已博人人無限思。

(二)

聞名早在少年時。見面雖艱亦有期。
七月羅城好時節。重來應有慰相思。

(三)

此去香江處暑秋。問君何日更來遊。
常懷大聖施恩旨。無奈狂奴不肯謀。

(六) 輓曇殊鄧芬老師 (七律)

是真名士自風流，事不從心恨亦休。
筆硯幾經興廢劫，丹青留取古今愁。
桃花信是血和淚，藕孔何堪春復秋！
後此執經何處問？翻疑酣夢覺紅樓。

(七) 海泳有感 (七絕)

浮家卻羨水雲鄉，底事偏嫌夏日長？
我愛濯纓人濯足，好將清濁問滄浪。

(八) 詠蟬 (七絕)

世間何事君知了？長夜聲聲呼到曉；
畢竟為誰鳴不平？教人夢破愁多少！

(九) 博士詠 (本打油詩曾刊於「廉價博士内幕」一書)

廉價博士 (四首)

- (一) 博士買來幾許銀？係威係勢驕鄉鄰，
側聞廿鎊有回佣，真否煩君代一詢！
- (二) 博士而今走滿街，原來賤過水流柴；
早知磅水可沽到，何必十年窗下捱！
- (三) 文法哲神共一爐，哀哉尚饗更嗚呼！
蛇神牛鬼相投味，醜字點書知也無？
- (四) 如斯博士失斯文，掃地斯文竟是君，
價值全無何足論，人人爭問幾銀斤？

厚黑博士 (二首)

- (一) 登龍有術可成名，怎奈公論不徇情；
- (二) 猶幸精研厚黑學，明知羞辱當為榮。
- (三) 孝悌信忠禮義廉，雖然無恥也沾沾，
- (四) 旁人掩口笑難已，皆曰應該罵吓添！

吹牛博士 (二首)

- (一) 居然自己去吹牛，「肥佬」吹成話學優，(註一)
- (二) 方帽戴來威十足，問君知也不知羞？
- (三) 做人何必貪威水？威水也應努力求；
- (四) 出到旁門和左道，得來博士因吹牛。

水皮博士 (二首)

- (一) 博士竟然稱水皮，淺深學識眾皆知，
- (二) 大頭充硬中何用？聞道此中有牧師。
- (三) 牧師何必貪虛榮？安分唔愁被搵丁；
- (四) 博士銜頭笠上去，空空腹儉膽驚驚。

牛皮博士（二首）

- （一）爾把牛皮當面皮，夠堅夠厚兩相宜，
- （二）由人笑罵由人戳，博士依然得意為。
- （三）牛皮製作做燈籠，點極唔明夠大懵。
- （四）嗟爾牛皮做面具，宜乎掩耳詐痴聾。

博士捐客（二首）

- （一）牧師聖職最清高，何必貪圖世界撈？
- （二）自貶甘為「波洛架」，誤人誤己枉心勞！（註二）
- （三）爾已捐來三博士，復為捐客去騙人，
- （四）可憐不少矇查客，老襯做完擺苦辛。

（註一）「肥佬」即 *Fail*

（註二）「波洛架」即 *Broger*

(十) 蒙雅集同人贈金筆 (五律)

八一秋，予辭中國佈道會香港迦南堂主任職返美定居，雅集同仁吳明節、蕭克諧、丘恩處、黃永熙、周天和、龍靈光、葉貴廷、袁久寧、祖文銳、薛孔奇、張天祥諸君子午餐於九龍五月花酒家錢行，並贈金筆，囑長寫長有，爰錄拙作奉政。

惠我管城子，視如拱璧珍。

連襟同出入，共案伴昏晨；

靈至千軍潰，夢留五色新。

虛名何足論，榮耀歸真神！

(十一) 敬和劉翼凌老師新居詩 (六首)

(一)

遙望金門暮色開，三藩市外見山隈，
心寬自覺乾坤大，未許高吟歸去來。

(二)

從知壯志不消沉，辯道諍言獲我心；
莫謂前途知己少，定然空谷有迴音。

(三)

心如泉水在山清，怎奈難平悲憤鳴！
夢裏驚聞狂犬吠，何堪枕畔聽秋聲！

(四)

欲尋一事慰平生，亂世還留是友情；
漫道瑤池無俗客，既爭意氣復爭名！

(五)

安貧樂道自歡娛，吟罷有閒又著書，
鐵筆力同三尺劍，誅鋤奸佞見功夫。

(六)

世事人心兩譎波，難抒抑鬱淚成河！
保身明哲誠非易，是說是時事更多。